

Aningaasanik peqquserluutinik malunnarunnaarsaasarneq pillugu inatsimmut Kalaallit Nunaannut atuuttumut ilitsersuut

Imarisai

Aallaqqaasiut	2
Aningaasanik peqquserluutinik malunnarunnaarsaasarneq peqqarniisaarnianillu aningaasalersuisarneq suuppat, soorlu tamanna sammissallugu pingaaruteqarpa?	2
Malittarisassat pillugit ataatsimut taasassat	3
Aningaasanik peqquserluutinik malunnarunnaarsaasarneq pillugu Inatsimmi malittarisassanut kikkut ilaappat?.....	3
Aningaasanik peqquserluutinik malunnarunnaarsaasarneq pillugu peqqussut	3
Aningaasanik peqquserluutinik malunnarunnaarsaasarneq pillugu inatsit	5
Aningaasanik peqquserluutinik malunnarunnaarsaasarnermut malittarisassat malillugit pisussaaffiliinerit - aningaasanik peqquserluutinik malunnarunnaarsaasarnermut malittarisassanut ilaasimagaanni suut maluginiarneqartassappat?.....	5
Nalunaartarnissamut pisussaaffeqarneq	6
Aarlerinaatinut nalilersuineq aningaasanillu peqquserluutinik malunnarunnaarsaasarnermut politiki	7
Pisisartunik kinaassusersisarneq uppersaasarnernerlu	7
Qanoq ilineratigut suliffeqarfik pisisartunik ilisimasaqarnerulernissamut suleriaatsinik ingerlatsiniarpa?	9
Assersuutigalugu aaqquissuussinermik pissarsiamik aningaaserivimmut nuussinermut atorneqartumik pilersitsisoqarsimappat niueqatigisassamik pilersitsisoqariaannaanera suliffeqarfittut maluginiagassaavoq.....	12
Qanoq iliorluni pisisartunut ilisimasaqalernissamut suleriaatsinik suliaqartoqartarpa?	13
Pisisartup aarlerinaatinut nalilersuiffiginera.....	14
Pisisartumut ilisimasaqalernissamut suleriaatsit sukumiinerusut	15
Pisisartut nunami Europa-Kommisionenip allattorsimaffiutaani nunatut qaffasissumik aarlerinaatilitut nalilerneqarluni angerlarsimaffeqartut	16
Inuit politikikkut sunnerneqarsimasut	17
Pisisartumik ilisimasaqalernissamut suleriaatsit pisariinnerusut	17
Piginnittuiit	19
Misissuinissamut allattuinnissamullu pisussaaffeqarneq	22
Misissuisussaatitaaneq.....	22
Allattuisarnissamut pisussaaffik	23
Nalunaartarnissamut pisussaaffik	24
Uppersaasarnissaq toqqortaqtarnissarlu	25

Whistleblowereqarnermik aaqqissuussineq	25
Whistleblowereqarnermik aaqqissuussinermut ilaasannginneq	26
Nakkutillineq	26
Sukumiinerusunik paasisaqarusuppisi?	26

Aallaqqaasiut

Aningaasanik peqquserluutinik malunnarunnaarsaasarnermut peqqarniisaarnianillu aningaasalersuisarnermut malittarisassani aningaasanik peqquserluutinik malunnarunnaarsaasarneq peqqarniisaarnianillu aningaasalersuisarneq pitsaaliorneqarniarpoq akiorneqarlunilu. Inatsimmi ilaatigut imminut pisisartut uppersarnerqartassasut aarlerinaatinullu nalilersorneqartassasut piumasarineqarpoq, aningaasanillu peqquserluutinik malunnarunnaarsaasarnermut imaluunniit peqqarniisaarniat aningaasalersornerannut pasitsaassisoqarsimatillugu Hvidvasksektretariatet (NSK) saaffigineqartassasoq.

Aningaasanik peqquserluutinik malunnarunnaarsaasarnermut malittarisassani piumasaqaataavoq suliffeqarfiit malittarisassanut ilaasut pisisartutik kikkunersut ilisimassagaat aamma pisisartut kinaassusaat misissuiffigisassagaat. Pisisartut aamma aningaasanik nuussisarnerat taakku nakkutigissavaat. Nuussinernik pasitsannartunik nassaarsimagunik Hvidvasksektretariatet nalunaaruteqarfigissavaat. Tamanna pinerlunniarnerit akiorniarnerni pingaaruteqarluinnarluni ilaavoq.

Aningaasanik peqquserluutinik malunnarunnaarsaasarneq peqqarniisaarnianillu aningaasalersuisarneq suuppat, soorlu tamanna sammissallugu pingaaruteqarpa?

Pinerlunnikkut iliuuseqarluni unioqquitsilluni pissarsiarineqartut inatsisinik unioqquitsinani pissarsiarineqartutut isikkoqartinniaalertarneq pisimagaangat *aningaasanik peqquserlulluni malunnarunnaarsaanertut* tamanna isigineqartarpoq.

Peqqarniisaarnianik aningaasalersuisarneq inummut, eqimattanut imaluunniit suleqatigiiffimmut peqquserluutinik iliuuseqarnissamik iliuuseqartunut pilersaaruteqartunulluunniit aningaasaqarnikkut assigisaanilluunniit tapersersuineruvoq.

Suliffeqarfiit aningaasanik peqquserluutinik malunnarunnaarsaanermut ilaasut toqqarneqarsimanerannut pissutaavoq taakku aningaasanik peqquserluutinik malunnarunnaarsaanermut imaluunniit peqquserluutit aningaasalersornissaannut immikkut atorneqariaannaasarnerat misilittakkatigut takuneqarsinnaammat.

Aningaasanik peqquserluutinik malunnarunnaarsaasarneq pillugu inatsit suliffeqarfiit *aarlerinaatinik tunngaveqarluni iliuuseqarnermik* taasamik peqartarnissaat tunngavigineqarpoq. Tamanna isumaqarpoq suliffeqarfiit aningaasanik peqquserluutinik malunnarunnaarsaasarnermut imaluunniit peqqarniisaarniat aningaasalersornissaannut sutigut atorneqartarnerat pillugu kinaassutsimik paasiniaasoqassasoq, nalilersuisoqassasoq paasiniaasoqassasorlu. Tamanna aamma isumaqarpoq suliffeqarfiit ulorianaatit annerpaaffiannut nukitik atortassagaat.

Suliffeqarfiit malittarisassanut ilaapput, taamaammallu qanoq iliorluni aningaasanik peqquserluutiniq malunnarunnaarsaasarneq pillugu inatsisip malinnissaanut tunngavissanik namminneerlutik aalajangersaasussaallutik. Suliffeqarfik aningaasanik peqquserluutiniq malunnarunnaarsaasarneq pillugu inatsimmi piumasaqaatinut pisussaaffinnullu malinnissimappat suliffeqarfiup aningaasanik peqquserluutiniq malunnarunnaarsaasarneq peqqarniisaarniallu aningaasalersornissaannut atorqeartarnissaat pitsaaliorneqassaaq. Suliffeqarfiit pisisartutik kikkunersut ilisimassagaat, suliatillu nakkutigisassagaat immikkut pingaaruteqarpoq.

Malittarisassat pillugit ataatsimut taasassat

Kalaallit Nunaanni aningaasanik peqquserluutiniq malunnarunnaarsaasarneq peqqarniisaarnianillu aningaasalersuisarneq suliasaqarfik peqqussut Inatsisartullu Inatsisaat aqqutigalugit malittarisassiorneqarpoq.

Aningaasanik peqquserluutiniq malunnarunnaarsaasarneq pinerliiniarnernillu aningaasalersuisarneq pinaveersimatinniarlugit iliuuserisassat pillugit Inatsisip Kalaallit Nunaannut atuutilersinneqarnera pillugu peqqussummi nr. 956, 17. maj 2021-meersoq (matuma kingorna aningaasanik peqquserluutiniq malunnarunnaarsaasarneq peqqussut) kingusinnerusukkullu allangortoq aningaasanik peqquserluutiniq malunnarunnaarsaasarneq peqqarniisaarniallu aningaasalersornissaat pillugit malittarisassat amerlanerpaartaannik imaqarpoq.

Aningaasanik peqquserluutiniq malunnarunnaarsaasarneq pinerliiniarnernillu aningaasalersuisarneq pinaveersaartinniarlugit iliuuserisassat pillugit Inatsisartut inatsisaat nr. 5, 19. maj 2010-meersoq (matuma kingorna aningaasanik malunnarunnaarsaasarneq inatsit) kingusinnerusukkullu allannguutilik suliasaqarfinni Kalaallit Nunaata malittarisassanut taakkununga aalajangersaanissamut piginnaatitsiffigisaani aningaasanik peqquserluutiniq malunnarunnaarsaasarneq akiorniarnissaannut iliuuserisassat pinaveersaartitsiffiusut nammineerluni eqqunneranni aningaasanik peqquserluutiniq malunnarunnaarsaasarneq peqqussummut ilasisoqarpoq, taamaasillunilu malittarisassat taakku aningaasanik peqquserluutiniq malunnarunnaarsaasarneq aqqissuussinerup suliasaqarfimmut malittarisassiorfigingisaanut atuutsinneqarlutik.

Aningaasanik peqquserluutiniq malunnarunnaarsaasarneq pillugu Inatsimmi malittarisassanut kikkut ilaappat?

Aningaasanik peqquserluutiniq
malunnarunnaarsaasarneq pillugu inatsimmi 1-imut
innersuussineq

Aningaasanik peqquserluutiniq
malunnarunnaarsaasarneq pillugu peqqussummi § 1-
imut innersuussineq

Aningaasanik peqquserluutiniq malunnarunnaarsaasarneq pillugu peqqussut

§ 1 naapertorlugu aningaasanik peqquserluutiniq malunnarunnaarsaasarneq peqqussut makkunani atorqeartarpoq:

1. Aningaaseriviit.
2. Taarsigassarsisitsisarfiit.
3. Aningaasaateqarfimmut akunnermiliuttartutut ingerlateqatigiiffiit.
4. Inuunermik Sillimmasiisarfiit pensionisiaqartitsinermilu karsit.
5. Suliffeqarfiit ileqqaarnermik suliallit.
6. Akiliutigineqartut pillugit inatsimmi aningaasanik elektroniskiusunik tunniussisartut aamma akiliutigineqartunut sullissinernut neqeroortartut ilanngussaq 1, nr. 1-7-mut ilaapput.
7. Sillimmasiinermi akunnermiliuttartut, taakku inuunermik sillimmasiinernut imaluunniit sillimmasiinernik aningaasalersuinernut attuumassuteqartunut akunnermiliuttuugaangata.
8. Soorlu aningaasanik peqquserluutinik malunnarunnaarsaasarnermut aaqqissuussinermi ilanngussaq 1-imi taaneqareersoq suliffeqarfiit inuillu allat inuussutissarsiutit tungaasigut sammisanik ataatsimik sammisanilluunniit arlalinnik ingerlatallit.
9. Nunani allani suliffeqarfiit nunami maani immikkoortortaarfii, avammut siammarterisartui nr. 1-7, 10 aamma 11 malillugit sulianik ingerlatallit.
10. Aningaasaliisarnermut aningaasaateqarfinni allatut ittuni aningaasaliisarnermut ingerlatsinermik ingerlateqatigiiffiit aqutsisullu, suliffeqarfiit tamakku toqqaannartumik atuisunut attaveqartarsimappata.
11. UCITS allatullu aningaasaliisarnermut aningaasaateqarfiit, suliffeqarfiit tamakku toqqaannartumik atuisunut attaveqartarsimappata.
12. Eqqartuussissuserisut,
 - a. tulliuuttunut tunngatillugu sullitanik siunnersuigaangata imaluunniit taakkununga atatillugu nuusseqattaaraangata:
 - i. illuutinik aalaakkaasunik suliffeqarfinnulluunniit pisinermut tunisinermullu
 - ii. sullitat aningaasaataannik, pappiaqqanik nalilinnik pigisanilluunniit allanik aqutsinermut
 - iii. aningaaserivinni kontut imaluunniit pappiaqqanut nalilinnut toqqorsiviit ammarnerannut aqutsiviginerannulluunniit,
 - iv. suliffeqarfiit pilersinnissaannut, ingerlannissaannut imaluunniit aqutsiviginissaannut aningaasat pisariaqartinneqartut
 - v. pissarsiarinissaannut imaluunniit suliffeqarfiit, aningaasaateqarfiit il.il. pilersinnissaannut, ingerlannissaannut imaluunniit aqutsiviginissaannut imaluunniit
 - b. taakku sullitat sinnerlugit tamakkulu akiligaannik aningaasatigut nuussinernik allatulluunniit illuummut aalaakkaasumut tunngatillugu nuussinernut atatillugu siunnersuinikkut ikiuussimappata imaluunniit sullitartik sinnerlugu nuussinernik suliaqarsimappata.
13. Kukkuersiuisarneq pillugu inatsit naapertorlugu kukkuersiuisut suliffeqarfiillu kukkuersiuisartut akuerineqartut.
14. Suliffeqarfiit inuillu inuussutissarsiornerup tungaatigut inuit nr. 12-13-imi taaneqartut assigalugit sullissinernik taakkuninnga tunniussaqaartartut, taakkununga kukkuersiuisut kukkuersiuisarneq pillugu inatsit naapertorlugu akuerineqarsimanngitsut, akileraartarnermut siunnersortit aamma naatsorsuuserisut avataaneersut ilanngullugit.
15. Pinnguaatinik neqeroortartut, matumani malittarisassat allat aalajangersarneqarsimatinnagit.
16. Danmarks Nationalbank, matumani suliffeqarfiit nr. 1-imi taaneqartutut ittut assigalugit sulineramik ingerlatsisimatillugu.

Tamatuma saniatigut inuussutissarsiummik ingerlatallit allattorsimaffimmut suliani taaneqartumut ilaanngitsut § 5-imi aningaasanngorlugit akiliinissamik inerteqquteqarnermut ilaapput (takuuk § 1, imm. 2).

Aningaasat salloqittaatit pillugit § 6 suliffeqarfinnut inunnullu sulinerminnut atatillugu tamanut aningaasanik pappiaqqanik oorinillu suliarinninnermut tunniussisarnermullu peqataasunut aamma atorneqarpoq, taakkunungalut inuit suliffeqarfiillu aningaasat pappiaqqat oorillu aningaasanut allanut assigiinngitsunut allangortinnissaannik suliaqartut ilaapput.

Aningaasanik peqquserluutinik malunnarunnaarsaasarneq pillugu inatsit

§ 1 naapertorlugu aningaasanik peqquserluutinik malunnarunnaarsaaneq pillugu inatsit makkunani atorneqarpoq:

- Suliffeqarfiit inuillu nunat allat aningaasaannut nuutsitsisarnermik inuussutissarsiuteqartut.
- Suliffeqarfiit inuillu attartortitsinernut aningaasalersuineramik imaluunniit taarsigassarsisitsisarnermik inuussutissarsiuteqartut.
- Illunik nioqquteqarnermi akunnermiliuttartut.
- Suliffeqarfiit inuillu illunik nioqquteqarnermi akunnermiliuttartutut kiffartuussinernik inuussutissarsiuteqartut.
- Suliffeqarfinnut kiffartuussinernik neqerooruteqartut, takuuk § 3, imm. 5.
 - Ingerlatseqatigiiffinnik pilersitsisut.
 - Inuup allap suliffeqarfimmi siulersuisunut ilaasortatut imaluunniit soqutigisaqatigiiffimmi peqataasutut imaluunniit ingerlatseqatigiiffinni allani tamatuma pissuseqataanik inissisimaffinni sulinissaanik sulissutiginnittoq isumaginnittorluunniit.
 - Angerlarsimaffittut najugaqarfimmik najugaqarfimilluunniit allamik angerlarsimaffittut najugaqarfiup pissuseqataanik attaveqarfigineqartussatut kiffartuussinernullu tassunga atatinneqartunik tunniussiffissatut naatsorsuutigineqartumik suliffeqarfimmut atugassiisoq.
 - Aningaasaateqarfimmik inatsiseqartitsinikkulluunniit aqqissuussinernik tassunga assingusumik ingerlatsisutut aqutsisutulluunniit suliaqartoq allalluunniit taamatut inissisimanissaanik isumaginnittoq.
 - Pingajuusutut inissisimasoq sinnerlugu piginneqataassuteqartutut inissisimasoq allalluunniit taamatut inissisimanissaanik isumaginnittoq, suliffeqarfiup taassuma piginneqataassutai il.il. nakkutigineqartumik niuerfimmi nioqqutigineqanngippata.

Aningaasanik peqquserluutinik malunnarunnaarsaasarnermut malittarisassat malillugit pisussaaffiliinerit - aningaasanik peqquserluutinik malunnarunnaarsaasarnermut malittarisassanut ilaasimagaanni suut maluginiarneqartassappat?

Suliffeqarfiit sunik immikkut maluginiagartassappat?

Aningaasanik peqquserluutinik malunnarunnaarsaasarneq pillugu inatsit naapertorlugu suliffeqarfiit pisussaaffimminnut malinninniarlutik pissutsit makku immikkut maluginiartassavai:

- Aningaasanik peqquserluutinik malunnarunnaarsaasarnerup akiorniarnissaanut suliffeqarfiup Finanstilsynip aningaasanik peqquserluutinik malunnarunnaarsaasarnermut nalunaarsuiffianut nalunaarsuinissaq aamma suliffeqarfiup virk.dk-mi nalunaarsuiffimmut nalunaarsorsimanissaa.
- Suliffeqarfiutissi aamma aningaasanik peqquserluutinik malunnarunnaarsaasarnermut poitikersi pillugu aarlerinaatinut nalilersuiffignerat

- Pisisartussi kikkuuneri paasisarnissaat uppersartarnissaallu
- Pisisartussi aarlerinaatinut nalilersuiffigisarnissaat
- Pisisartussinnut pissutsit nakkutigisarnissaat
- Misissuinissamut pisussaaffeqarneq allattuisarnissarlu
- Nalunaaruteqartarnissamut pisussaaffeqarneq
- Uppersartaasarnissaq toqqortaartarnissarlu

Allattorsimaffik siulianiittoq aningaasanik peqquserluutunik malunnarunnaarsaasarnermut malittarisassani piumasagaatinik imaqarpoq. Taamaammat suliffeqarfiup allattorsimaffimmi piumasagaatit pitsaanerpaamik atorsinnaassappagit suliffeqarfiup nammineerluni suleriaatsinik periusissanillu ilanngussaqaarsimanissaa qulakkeerpeqassaaq.

Tullinnguuttuni immikkoortut taaneqartut sukumiinerusumik nassuiarneqassapput.

Nalunaartarnissamut pisussaaffeqarneq

Aningaasanik peqquserluutunik
malunnarunnaarsaasarneq pillugu inatsimmi § 27, imm.
2-mut innersuussineq

Aningaasanik peqquserluutunik
malunnarunnaarsaasarnermut aqqissuussinermi
ilanngusaaq 1-imut innersuussineq

Suliffeqarfiit:

- aningaaserivinni uninngasuutunik allatullu aningaasanik utertitassatut pisussaaffilinnik tiguisartut
- taarsigassarsititsisarnermik suliallit, soorlu atuisut taarsigassarsiniartarfii, taarsigassarsiniartarfiiit aamma akiliisitsiniartarfiiit allatullu naatsorsuineramik suliallit
- akiliutitut atorneqartartunik allanik tunniussisartut aqutsisartullu (assersuutigalugu angalanermi checkit aningaaserivinnilu avititsisarnerit), matumani suliarineqartoq akiliutigineqartartut pillugit inatsimmut ilaasimatinnagu.
- sillimasiisarnermik qularnaveeqqusiisarnernillu ingerlatallit
- aningaasarsiornerup ilaani atortunut tunngatillugu pisisartut akiligaannik aningaasanik nuussinernik suliaqartut (soorlu aningaaserivinni avititsisarnerit)
- tassunga atatillugu pappiaqqat nalillit sullissisarnernillu ingerlaartinnerannut peqataasartut
- aningaasat aqqissugaanerannut, suliffissuarni periusissianut taamaasillunilu apeqqutitut attuumassutilinnut tunngatillugu suliffeqarfinnut siunnersuisartut kiisalu kattunnernut suliffeqarfinnillu pisiortornermut tunngatillugu siunnersuisartut sullissinernillu tunniussisartut
- aningaasanik ingerlatitseqqittartut (money broking)
- aningaasaliissutitut aqutsinermik siunnersuisarnernillu suliaqartut

- pappiaqqanik nalilinnik tigummiallit aqutaqartullu
- aningaaserivinni boksinik attartortitsisartut

Finanstilsynetimut nalunaarsortissapput.

Finanstilsynetimi nalunaarsortinnissami piunasaqaataavoq suliffeqarfiup suliassamik pineqartumik suliaqarsinnaanissaa. Tamanna isumaqarpoq suliffeqarfiit nalunaarsortinnissamut nalunaaqqaarnatik imaluunniit nalunaarsortinnissamut itigartitsisimallutik suliffeqarfimmik taamaattumik ingerlatsisut suliffeqarfimmik unioqqutitsillutik ingerlataqarsimassasut.

Finanstilsynet suliffeqarfinnik taakkuninnga nakkutilliisinnaassappat nalunaarsortinnissamut pisussaaffik suliarineqassaaq.

Suliffeqarfiit aningaasanik peqquserluutinik malunnarunnaarsaasarnermut ilaasut suliffeqarfimminnik ingerlatsisinnaassagunik akileraartarnermut aqutsisoqarfimmi nalunaarsorneqarsimassapput.

Aarlerinaatinut nalilersuineq aningaasanillu peqquserluutinik malunnarunnaarsaasarnermut politiki

Aningaasanik peqquserluutinik malunnarunnaarsaasarneq pillugu inatsimmi § 21-mut innersuussineq
 Aningaasanik peqquserluutinik malunnarunnaarsaasarneq pillugu inatsimmi § 7-mut innersuussineq

Suliffeqarfiit inuillu aningaasanik peqquserluutinik malunnarunnaarsaasarnermut ilaasut suliffeqarfiup inuulluunniit aningaasanik peqquserluutinik malunnarunnaarsaasarnermut imaluunniit peqqarniisaarniartarnermut aningaasalersuinissamut atonerlunneqariaannaasut uloriaanatinik misissuissapput nalilersuillutillu.

Aarlerinaatinut nalilersuineq suliffeqarfiup aningaasanik peqquserluutinik malunnarunnaarsaasarnermut peqqarniisaarniarnerillu aningaasalersornissaannut atonerlunneqarnissaat pinngitsoortinniarlugu kiisalu sulinikkut suleriaatsit sorliit niuerfinnut ataasiakkaanut aallartinneqassanersut pillugit niuerfiit sorliit pingaartinneqassanersut suliffeqarfiup nalilersuinissaanut tunngavigineqassaaq.

Aarlerinaatinut nalilersuineq taamaasilluni suliffeqarfiup qanoq iliorluni politikiminik, suleriaatsiminik nakkutilliisarneminillu piareersaasarnissaanut tunngavissiissaaq.

Pisisartunik kinaassusersisarneq uppersaasarnernerlu

Aningaasanik peqquserluutinik malunnarunnaarsaasarneq pillugu inatsimmi §§ 10-20-mut innersuussineq
 Aningaasanik peqquserluutinik malunnarunnaarsaasarneq pillugu inatsimmi §§ 10-24-mut innersuussineq

Pisisartunik ilisimasaqarnissamut suleriaatsit

Suliffeqarfik aningaasanik peqquserluutinik malunnarunnaarsaasarneq pillugu inatsimmut ilaasoq nutaamik pisisartoqalersimappat, soorlu peqatigiiffik, pisisup suliffeqarfimmik aningaasanik peqquserluutinik

malunnarunnaarsaasarnermut imaluunniit peqqarniissaarnianik aningaasalersuinissamut atornerluisinnaaneranut aarlerinaatinut suliffeqarfik nalilersuissaaq. Aarlerinaatinut nalilersuineq pisisartunik ilisimasaqarnissamut suleriaatsit sorliit aningaasanik peqquserluutunik malunnarunnaarsaasarneq pillugu inatsit malillugu suliarineqartarnissaannut, suliffeqarfiullu qanoq iliorluni pisisartumut tunngasunik nakkutilliinissaanut tunngavigineqarpoq.

Aningaasanik peqquserluutunik malunnarunnaarsaasarneq pillugu inatsimmi § 11 kiisalu peqqussummi §§ 10-16 pisisartunik ilisimasaqartarnissamut suleriaatsimut piumasaqaatinik nalinginnaasunik aalajangersaaffiupput.

Pisisartumut ilisimasaqarnissamut suleriaatsit pisisartumik niuernikkut attaveqarnermut tamarmut pisussaaffiupput, pisisartumullu tunngasut aarlerinaatinut nalilersuiffiginerat tunngavigalugu suliarineqassallutik. Suliffeqarfik taamaasilluni pisisartunut ilisimasaqarnissamut suleriaatsit ingerlanneqartussat annertussusaat nalilersuiffigisinnaaniarlugit pisisartumi ataatsimi pissutsini ulorianaataasinnaasut allannguinerillu attuumassutillit qulaajartussaavai.

Aningaasanik peqquserluutunik malunnarunnaarsaasarneq pillugu inatsisini suliffeqarfiup pisisartuni kikkunersut ilisimassagai pingaarnepaalluni tunngavigineqarpoq. Tamanna aamma pisisartuq peqatigiiffiusimappat atuutissaaq. Pisisartunik ilisimasaqarnissamut suleriaatsimi aningaasanik peqquserluutunik malunnarunnaarsaasarnernik peqqarniissaarnianillu aningaasalersuisarnerup pinaveersaartinnissaat siunertaavoq, tamannalu pissaq suliffeqarfiup pisisartumini ilisimasaqarnera, pisisartullu pineqartup niuernikkut attaveqarniarnermi sunik siunertaqarnera imaluunniit nuussinertit sulialluunniit ataasiaannartuunersut, pisariaqarpallu pisisartup aningaasaatai suminggaanneersuunersut, paasinerisigut. Suliffeqarfiup pisisartunik ilisimasaqarnissamut suleriaasai pisisartumut pissutsit tigussaasut aarlerinaatinut nalilersuiffiginerisigut suliarineqassapput.

Taamaammat pisisartunik ilisimasaqarnissamut suleriaatsimi paasissutissallu suliffeqarfiup angumeriniagassaasa annertussusaanni pisisartup aarlerinaatinut nalilersuiffiginera apeqqutaassaaq. Pisisartunik ilisimasaqarnissamut suleriaatsimi aarlerinaatinullu nalilersuinermi pisisartup aarlerinaatinut ilisarnaataa niueqatiginnerup aallartinnerani ilisimaneqartuq aalajangersaanermut atornerqarpoq. Aarlerinaatinut ilisarnaat pisisartumut attaveqarnerup ingerlanerani allanngorsinnaavoq, taamaamallu pisisartumut attaveqarneq tamakkerlugu aalajangersimasumik akuttussusilerlugu pisisartunik ilisimasaqarnissamut ilisarnaat suliffeqarfiup ingerlaavartumik nutarteriffigisassavaa, taamaaliornikkut pisisartumut paasissutissat nutarterneqartuaannarsinnaassammata. Akuttussusermi pisisartup ulorianaataa apeqqutaassaaq.

Suliffeqarfiup pisisartumut attaveqarnerata aarlerinaatinut nalilersuiffiginerani pingaarnertigut ulorianaatip nalilersuiffigineraniq ilaqassaaq, matumani pisisartup aningaasanik peqquserluutunik malunnarunnaarsaasarnermut imaluunniit peqqarniissaarnianut aningaasalersuisarnermut suliaqarnissaa atornerqartarnissaaluunniit pinngitsoortinniarlugu. Suliffeqarfik tassunga atatillugu pisisartup kinaaneranut isummertartussaassaaq, soorlu pisisartup kikkunik pigineqartuunera, pisisartuq tunisassianik sullissinernilluunniit sunik kissaateqarnersoq, nunatigut pissutsit isiginiarneqassanersut aammalu pisisartumut tunngatillugu tunniussiffittut atornerqartarnersut pillugit. Tamatuma saniatigut pisisartumut attaveqarnerup aarlerinaatinut suliffeqarfiup nalilersuinerani pisisartumut attaveqarnermi siunertaq, siunertatut inissisimaneq, akuttoqatigiissaarineq sivilissutisillu ilanngunneqassapput.

Tassungalu ilanngullugu aarlerinaatinut nalilersuinermi periaannaat peqqussummi ilanngussaq 2 aamma 3-mi malinnittut ilanngunneqassapput.

Ilanngussani periaannaat ulorianaatinut killeqartitsisunut annerusunullu takussutissaasinnaasut tulleriarlugit takutinneqarput. Aarlerinaatinut nalilersuineq pisisartumut, tassunga peqatigiiffik ilanngullugu, ilisimasaqarnissamut suleriaatsip suliarineqartannginnissaanut qaquguluunniit aqcutissiuussissanngilaq. Aarlerinaatinut nalilersuineq suliffeqarfiup - matumani pisisartooq aarlerinaateqanngitsutut naliliiffigineqarsinnaappat - pisariinnerusunik pisisartunik ilisimasaqarnissamut suleriaatsinik suliaqarnissaa kisimiitillugu pisinnaavoq.

Pisisartunik aarlerinaateqarnerusunik pisisartoqarneq nalinginnaalluinnarpoq. Suliffeqarfiit pisisartunik ilisimasaqarnerulernissamut suleriaasii, annerusumik nakkutilliinerit, nakkutilliinerit allat il.il. sukumiinerusut suliarinerisigut maani najugallit ilaasa annerusumik ulorianartorsulernissaannut piareeqqalersinnaapput aarlerinaatinullu aqutsilersinnaallutik.

Qanoq ilineratigut suliffeqarfik pisisartunik ilisimasaqarnerulernissamut suleriaatsinik ingerlatsiniarpa?

Aningaasanik peqquserluutinik malunnarunnaarsaarneq pillugu peqqussummi § 10-mi qanoq ilineratigut suliffeqarfik pisisartunik ilisimasaqarnerulernissamut suleriaatsinik ingerlatsisassanersoq nassuiarneqarpoq:

- 1) Niueqatigisassamik pilersitsinermi.
- 2) Pisisartup atugarisai soqutiginaatillit allanngorsimatillugit.
- 3) Piffissani naleqquttuni, matumani suliffeqarfik inulluunniit ukiup qaammatisiuteqarfiusup ingerlanerani piginnittuimmuut piginnittuinnulluunniit tunngatillugu paasissutissat attuumassutillit suugaluartut misissuiffiginissaat siunertaralugu pisisartumik attaveqartarnissamut inatsisitigut pisussaaffik ilanngullugu.
- 4) Aningaasanik aalajangersimasumik amerlassusilinnut immikkuullarissumik nuussisoqarsimatillugu.
- 5) Pinnguaatinik neqeroornermi, matumani iliuuserineqartoq aningaasanilluunniit tunniussineq aningaasanik aalajangersimasunik qaangiisimatillugit.
- 6) Aningaasanik peqquserluutinik malunnarunnaarsaarneq imaluunniit peqqarniisaarnianik aningaasalersuinissaq pasitsaanneqarsimatillugit.
- 7) Pisisartooq pillugu paasissutissat siusinnerusukkut pissarsiarineqartut nalornissutigineqarsimatillugit.

Immikkoortut siuliani taaneqartut tullinnguuttuni sukumiinerusumik nassuiaaffigineqarumaarput.

Niueqatigisassamik pilersitsineq

Suliffeqarfik sullissinermik suliaqarsimatillugu imaluunniit tunisassiamik pisisartumut tunisaqarsimatillugu suliffeqarfiup niueqatigisassamik pilersitsisimanissaa aallaaviusarpoq. Pisisartumut attaveqarnermut tunngatillugu niueqatigisassamik pilersitsisimannginneq pillugu paasisaqarusukkuit nuussinernut immikkorluinnaq ittunut immikkoortoq takussavat.

Suliffeqarfik pisisartumut attaveqarnermik pilersitsippat, matumani aallaaviatigut pisisartumut attaveqarneq aalajangersimasumik sivilissuseqartussatut pilersitsinerup nalaani ilimagineqarsimappat, niueqatigisassamik pilersitsisoqassaaq. Taamaamallu pisisartooq suliffeqarfiup sullissineranik arlaleriarluni atuerusuttutut, taamaasillunilu pisisartutut uteqattaartussatut suliffeqarfiup nalilersimappagu niueqatigisassamik pilersitsinertut tamanna isigineqassaaq.

Assersuutigalugu uninngasuutinut, taarsigassarsititsinernut, attartortitsinermut imaluunniit illuummik tunisinissaq pillugu isumaqatigiisummut tunngatillugu pisisartuq suliffeqarfimmi kontumik assigisaanilluunniit pilersitsisimappat niueqatigisassamik pilersitsineq pineqassaaq.

Kontunik isertuussanik imaluunniit ateq ilumuunngitsoq atorlugu kontunik pilersitsisoqaqqusaanngilaq, taamaammallu niueqatigisassap pilersinnerani tamatigut pisisartumut ilisimasaqarnissamut suleriaatsit suliarisarnissaannut piunasaqaateqartoqarpoq.

Pisisartup atugarisai attuumassutillit allanngorput

Niueqatigisassaq pilersinneqartoq pineqartillugu, pisisartullu atugarisai attuumassutillit allanngorsimappata, pisisartumut ilisimasaqarnissamut suleriaaseq suliareqqinneqassaaq.

Suliffeqarfik pisisartup atugarisaani allannguutiniq maluginiagaqaleruni qisuariartartussaavoq, soorlu pisisartut amerlanerulerneranni aamma/imaluunniit pisisartup suliffeqarfiutaani allanngortoqarsimappat. Suliffeqarfik taamatut pisuni aarlerinaatinut nalilersuereernikkut isummissaaq pisisartumut paasissutissanik nutaanik pissarsiniartoqassanersoq, soorlu assersuutigalugu kinaassutsimut paasissutissanik pissarsiniaqqinnissaaq, tamakkulu misissuiffiginissaat.

Pisisartuq inuttut inatsisitigut pisussaaffeqarsimappat suliffeqarfik aarlerinaatinut nalilersuisimaneq tunngavagalugu isummissaaq piginnittuut pillugit paasissutissanik nutaanik pissarsiniartoqassanersoq. Suliffeqarfik uppersarsarneqarsinnaasumik nutaanik piginnittoqalersimappat piginnittuut misissuiffiginiarlugit iliuusissanik naammaginatunik suussusersiuillunilu suliaqassaaq. Tamatuma saniatigut pisisartumut pineqartumut tunngatillugu suliffeqarfiup piginnittumut nutaamut aamma misissuinissamut aqqissuussamut misissuisarnissaa akuttunngitsumik pisariaqartinneqartartussaavoq.

Pisisartup atugarisaasa attuumassutillit allanngortarnerinut assersuutissat:

- 1) Niueqatigiinnermi attaveqaataasumut tunngatillugu pisisartup siunertai imaluunniit qanoq ingerlatsinermut ittuenera malunnartumik allanngorsimappata, soorlu pisisartuq siusinnerusumut sanilliullugu nuussinernik annertunerujussuarnik aallartitsisimanera pissutaalluni.
- 2) Pisisartuq inuttut naalakkersuinikkut suliaqartutut nalilerneqarsimappat (PEP)
- 3) Pisisartuq Nunatsinnit Nunatsinnulluunniit nuussimappat imaluunniit niuerfiutini Nunatsinnit Nunatsinnulluunniit nuussimappagu, soorlu pingaartumik nunanit ulorianartorsiortunit imaluunniit nunanut ulorianartorsiortunit.
- 4) Pisisartumut tunngatillugu piginnittuunermut misissuinissamullu aqqissuussaaq allanngorsimappat, soorlu suliffeqarfimmik allanngortitsineq pissutigalugu imaluunniit suliassanut taakkununga suliaqartarnissamut akuersissut suliffeqarfimmit arsaarinnissutaasimanera pissutigalugu.

Suliffeqarfik pisisartup atugarisaani attuumassutillinni allanngortoqarneranik ilisimasaqalersimappat suliffeqarfik pisisartumut ilisimasaqalernermut suleriaatsiminik suliaqassaaq. Tassani assersuutigalugu suliffeqarfiup nakkutilliinera, ingerlaavartumik pisisartumut ilisimasaqarnissamut suleriaatsit suliarisarnissaat imaluunniit suliffeqarfik allatut iliorluni pisisartumut pitsaasunik ilisimasaqalersimanera pineqarsinnaapput.

Piffissani naleqquttuni pisisartumut ilisimasaqalernissamut suleriaatsit

Niueqatigiisutissiaq pilersinneqartoq pineqarsimatillugu pisisartup atugarisaani naleqquttumik akuttussiliilluni pisisartumut ilisimasaqalernissamut suleriaatsimik suliffeqarfik suliaqassaaq.

Matumani paasissutissat pisisartumut pioreersumut suliffeqarfiup pigisai eqqortuunersut naammattuunersullu qulakkeernissaat siunertarineqarpoq. Taamaammat suliffeqarfik, pisisartumut ilisimasaqalernissamut suleriaatsit suliarinissaasa saniatigut, matumanilu pisisartup atugarisai attuumassutillit allanngorsimappata, taakku aalajangersimasumik akuttussusilerlugit suliarisarnissaat pillugit aamma qulakkeerinnissaaq, aamma suliffeqarfiup pisisartumut attaveqartarnissaa inatsisitigut pisussaaffiusimappat.

"Inatsisitigut pisussaaffeqarnermi" isumaqarpoq suliffeqarfiup pisisartumut attaveqartarnissaata pisussaaffinngortinnissaa, matumani piginnittuimmut imaluunniit piginnittuinnut tunngatillugu paasissutissat attuumassutillit suugaluartut misissortarnissaat sinertaralugu.

Suliffeqarfik pisisartup attavigisarneranut pisussaaffeqalersimappat suliffeqarfiup tassunga peqatigitillugu piginnittumut imaluunniit piginnittuinnut tunngatillugu paasissutissat attuumassutillit suugaluartut suli eqqortuunersut misissussavaa.

Tamanna isumaqarpoq suliffeqarfittut suliassat allat suliarinerisigut assersuutigalugu inuup killiffianut tunngatillugu paasissutissanik attuumassutilinnik nutaanik maluginiagaqartoqalersimappat piginnittumut imaluunniit piginnittuinnut paasissutissat attuumassutillit suugaluartut misissuiffigissallugit pisussaaffeqartoqalersimassasoq.

Naleqquttumik akuttussusilerlugu pisisartumut ilisimasaqalernissamut suleriaatsit suliarisarnissaat aarlerinaatinut tunngaveqarluni suliarisarnissaat pillugu piumasaqarneq. Tamannalu isumaqarpoq pisisartumut attaveqarnerup aarlerinaatinut nalilersuiffiginera aallaavigalugu akuttussusiliisarneq suliffeqarfiup aalajangertassagaa. Suliffeqarfiup pisisartuni pisisartunut assigiinngitsunut immikkoortillugit katersuutsittussaavai, soorlu pisisartut killeqartumik ulorianaatillit pisisartullu annerusumik ulorianaatillit, assersuutigalugulu pisisartunut killeqartumik aarlerinaatilinnut ataatsimik akuttussusiliinissap aamma pisisartunut anginerusumik aarlerinaatilinnut allamik akuttussusiliinissap aalajangersaaffiginerisigut. Suliffeqarfilli aalajangiisinnaanngilaq pisisartumut ilisimasaqarnermut suleriaatsit suliarineqassanngitsut.

Taamaasilluni suliffeqarfiup pisisartumut annerusumik ulorianaatilinnut annerusumik isiginninniartarnissaa siunertarineqarpoq, pisisartunullu killeqartumik ulorianaatilinnut tunngatillugu suleriaatsit assingi annertuut akulikitsullu pisariaqartinnetik.

Nuussinerit immikkuullarissut (inissianik pisisartut)

Suliffeqarfiit inuillu tulluittunik ataasiakkaanik nuussisut aalajangersakkamut ilaapput

- aalajangersakkamut matumunnga suliffeqarfiit inuillu ikinnerpaamik 15.000 euronik immikkuullarissumik nuussinernik suliaqartut ilaapput, matumani nuussinerup ataasiaannartumik pisimamera imaluunniit arlaleriarluni pisimamera apeqqutaanani,
- aningaasanik nuussinerit aqutugalugit 1.000 eurot sinnerlugit ataqatigiittutut isikkoqarnerat apeqqutaanani, matumani nuussinerit ataasiaannarluni pisimappata imaluunniit nuussinertut arlalittut imminnut ataqatigiissutut isikkoqarsimappata, imaluunniit
- aningaasanik avititsinerit 500 eurot qaangerlugilluunniit pisimappata, matumani nuussinerup ataasiarluni pisimanissaa imaluunniit arlaleriarluni nuussinertut pisimanissaa apeqqutaanani, tassa imminnut atasutut isikkoqaraluarpuunniit.

Suliffeqarfiup pisisartumut nuussinernik suliaqarluni niuerfittut attaveqaammik pilersitsisimanissaa, tamannalu aqutugalugu pisisartumik ilisimasaqalernissamut suleriaatsinik suliaqartarnissaa aallaaviuvoq.

Taamaakkaluartoq pisisartunut akulikinngitsumik suliffeqarfimmik atuisartunut nuussinernik immikkuullarissunik suliffeqarfik suliaqarsinnaavoq.

Suliffeqarfiup pisisartunik ilisimasaqalernissamut suleriaatsimini qanoq ilineratigut pisisartup pisisartumiit niueqatigisatut isigilernissaata tungaanut suliffeqarfiup killiliisinnaanera qulakkeerneqassaaq, matumani suliffeqarfik taakkununga immikkuullarissunik nuussimatillugu. Taamaammatt niuerfittut attaveqaat pineqarnerseq pineqannginnersorluunniit matumani pineqarnerseq nalilersinnaaniarlugu suliffeqarfik piunasaqaatinik arlalinnik aalajangersaasussaavoq. Piunasaqaatit taakku tassaasinnaapput:

- Pisisartoq suliffeqarfimmik arlaleriarluni qanoq amerlatigisumik atuisimanera.
- Nuussinerit marluk akornanni piffissatigut akuttussuseq.
- Nuussinerit amerlassusaat.

Pinnguaatit neqeroortigineranni, tassani ikineqartut tunniussalluunniit aningaasanik aalajangersimasunik qaangiisimatillugit

Pisiniarfinni, kioskini allanilu pinnguaatinik tuniniaasartut ataasiakkaat pinnguaatinik neqeroortup aqqa atorlugu pinnguaammik tuniniaasartut aningaasanik peqquserluutunik malunnarunnaarsaasarneq pillugu inatsimmut ilaangillat. Tamatuma kingunerissavaa nioqquteqartup pisisartumut ilisimasaqarnermut suleriaatsinik suliaqarnissaata qulakkeernissaanik pinnguaatsinik neqeroortup akisussaaffigissagaa, matumani tamanna niueqatigisamik pilersitsinermi pereersimangippat.

Taamatut pisoqarsimatillugu niueruteqartoq pisisartumik ilisimasaqarnermut suleriaatsimik suliaqartussaavoq, matumani pinnguaatinik pinnguortoq ikinnerpaamik 2.000 euronik ikisaqarluni tunniussaqaarluniluunniit imaluunniit taakkua marluutillugit ikisisimatillugu, tassalu nuussineq imaluunniit nuussinerit ataasiaannartumik arlaleriarluniluunniit ingerlanneqarsimappata imminnullu atasutut isikkoqarsimappata.

Nuussinerit imminnut atanersut paasisaqarfiginissaat piffissap nalunaaquttap akunneri 24-t iluat aamma nioqquteqartut ataasiakkaat nalilersuiffiginerisigut pisinnaavoq. Pingaarnertut malittarisasaqartitsinermi suliffeqarfiup eqquiniaatitsinernik ullup unnuallu ingerlanerani pisiniarfimmi ataatsimi tuniniaanermut atatillugu nuussinerit arlallit imminnut atasutut isigineqarput.

Tassungalu atatillugu pisisartoq ullup unnuallu ingerlanerani pisiniarfimmut arlaleriarluni isertarluni anisarlunilu nuussinernik arlalinnik suliaqarsimappat taakku nuussinertut imminnut atasutut isigineqarsinnaammata assersuutit taaneqarsinnaavoq. Taamatut aamma isiginnittoqassaaq pisisartup isernermi ataatsimi nuussinerit agguarsimappagit.

Assersuutigalugu aqqissuussinernik pissarsiamik aningaaserivimmuut nuussinermut atorneqartumik pilersitsisoqarsimappat niueqatigisassamik pilersitsisoqariaannaanera suliffeqarfittut maluginiagassaavoq.

Aningaasanik peqquserluutunik malunnarunnaarsaasarneq imaluunniit peqqarniisaarniartunik aningaasalersuinerit pillugit pasitsaassinermi

Suliffeqarfik aningaasanik peqquserluutunik malunnarunnaarsaasarneq imaluunniit peqqarniisaarnianik aningaasalersuisarneq pillugit ilisimasaqarsimaguni imaluunniit pasitsaassaqaarsimaguni suliffeqarfik tamatigut pisisartumut ilisimasaqalernissamut suleriaatsimik suliaqartassaaq. Aningaasat aalajangersimasut atorlugit nuussinerit ataasiaannartut pineqarsimagaluarpataluunniit imaluunniit pinnguaammik neqeroornermi ikineqartut tunniunneqartulluunniit 2.000 eurot ataassimagaluarpagilluunniit piunasaqaat atuutsinneqassaaq.

Pisartuq pillugu siusinnerusukku paasissutissat pissarsiarineqartut nalorninartuqartillugit

Pisartuq kinaassusaa allallu pillugit paasissutissat pissarsiarineqartut ilumut eqqortuunersut aamma/imaluunniit naammattuunersut nalornissutigineqarsimappata suliffeqarfik pisartumut ilisimasaqarnissamut suleriaatsinik suliaqassaaq.

Tamannalu isumaqarpoq paasissutissat pissarsiarineqartut naammangitsutut imaluunniit eqqortuunngitsutut suliffeqarfiup isumaqarfigilersimappagit suliffeqarfik pisartumut ilisimasaqalernissamut suleriaaseq nutaaq suliarineqassaaq.

Qanoq iliorluni pisartunut ilisimasaqalernissamut suleriaatsinik suliaqartoqartarpa?

Suliffeqarfik nutaamik pisartuqalersimappat pisartuq taassuma kinaaneramik ilisimasaqalernissaq pisussaaffiuvoq. Taamaammat inuk imaluunniit suliffeqarfik aammalu inuk taakkuninnga suliaqartoq pillugit paasissutissanik piniartoqartassaaq.

Kinaassutsimut paasissutissanik pissarsiniartarneq

Pisartuq inuinnaasimappat minnerpaamik imatut iliuuseqartoqassaaq:

- Aqqa inuullu normua pissarsiarineqassapput.
- Inuk pineqartoq danskisut inuup normoqangippat kinaassutsimut normunik assingusunik pissarsiniartoqassaaq. Assersuutigalugu passimik imaluunniit biilimik atuisinnaanermut allagartamik massakku atuuttumik pissarsiniarsinnaavusi. Pineqartoq kinaassutsimut normumik taama ittumik aamma peqarsimangippat kinaassutsimut paasissutissani inuup ulloq inunngorfia ilaatinneqassaaq.
- Kinaassutsimut uppersaatip assilinera pissarsiariuk, ajornangippat asseq, soorlu passi imaluunniit biilini atuisinnaanermut uppersaat ilanngullugit.

Pisartuq suliffeqarfiusimappat minnerpaamik makku iliuuserineqassapput:

- Ateq CVR-normulu pissarsiariniarneqassapput.
- Suliffeqarfik CVR-normunut nalunaarsuiffimmut ilaanersaq paasiniaruk, taamaaliornikkut suliffeqarfiup unioqqutitsinani piginnittui piginnittuulu allallugit. Tamatuma assilinera toqqoruk.
- Assersuutigalugu pilersitsinermut uppersaatissat, ileqqoreqqusat, piginnittuunermut allagartat il.il. pissarsiarinerisigut suliffeqarfiup pigineqarneranut pissutsit misissuiffigikkat. Suliffeqarfiup piginnittui amerlanerpaartaatigut inuinnaasarpur. Taamaammat inuinnaat taakku angullugit piginnittuuneq misissuiffigissallugu pingaaruteqarpoq, taakkuuppummi suliffeqarfimmik piginnittuusut. Piginnittup imaluunniit piginnittuut kinaassusaat pillugit paasissutissanik tamatigut pissarsiniartoqartassaaq (ingerlatseqatigiiffinnik piginnittut børsimi allanneqarsimasut minillugit). Pineqartoq inuup normuanik pigisaqarsimangippat kinaassutsimut paasissutissat aallaavimmikkut ateq cpr-normulu pillugit paasissutissanik imaqartussaapput.

Pisartumut ilisimasaqartarnissamut suleriaaseq niueqatigisamut attaveqarneq tamakkerlugu pisussaaffiuvoq, pisartumullu attaveqarnerup aarlerinaatinut nalilersuiffigisimamut tunngavigalugu suliarineqassaaq. Taamaasilluni aarlerinaatinut nalilersuisarneq pisartumut ilisimasaqalernissamut suleriaatsit qanoq annertutiginerat apeqqutaalluni aalajangiisuusarpoq. Niueqateqarnermi attaveqaammi allannortoqarsimappat aarlerinaatinut nalilersuineq suliareqqinneqassaaq.

Kinaassutsimut paasissutissat pissarsiarineqartut misissuiffignerat

Paasissutissat pisisartup tunniussai misissorneqartassapput. Tamanna pissaaq assersuutigalugu passini imaluunniit biilini atuisinnaanermut allagartami, pisortat oqartussaaffiinit allagartami imaluunniit pisortat nalunaarsuiffiini, soorlu inuup normuinut nalunaarsuiffik imaluunniit CVR-imut nalunaarsuiffik, misissuinerne paasissutissat assersuunnerisigut.

Aningaasanik peqquserluutiniq malunnarunnaarsaasarnermut malittarisassanut ilaasumik paasissutissat siuliani taaneqartut pisisartunut tamanut tunngatillugu eqqortuunerannut tamakkiisuuneranullu pissarsiniartarnissamut uppersaasarnissamullu pissusaaffiupput. Pisisartunik ilisimasaqarneq aarlerinaatinut tunngaveqarluni iliuuseqarnikkut pissaaq, taamaaliornikkut suliffeqarfik pisisartunut aarlerinaatikinnerusunut sanilliullugu pisisartunut aarlerinaateqarnerusunut ilisimasaqalernerulissammat. Pisisartumut ilisimasaqarnissamut suleriaaseq pisisartumut suliaq aallartitsinnagu naammassereersimassaaq.

Pisisartumut attaveqartarneq pisisartullu pissusilersonera tamatigut maluginiassavatit, pingaartumik arlaannik pasitsaannartoqarsimappat, soorlu pisisartoq pisisartumik ilisimasaqalernissamut suleriaaseq akerliuffigalugu pissusilersorpat aamma inuup normuinik imaluunniit uppersaasarnissamut tunniusserusunngippat.

Pisisartup aarlerinaatinut nalilersuiffiginera

Aningaasanik peqquserluutiniq Malunnarunnaarsaasarneq pillugu § 11-mut innersuussinerit

Aningaasanik peqquserluutiniq malunnarunnaarsaasarneq pillugu inatsimmi § 7-mut innersuussineq

Suliffeqarfik nutaamik pisisartoqalerpat aningaasanik peqquserluutiniq malunnarunnaarsaasarnermut pisisartumut ulorianaat appasinnersoq, akunnattuunersoq imaluunniit qaffasinnersoq nalilersuiffiqeqassaaq. Taamatut nalilersuineq pisisartumi suliffeqarfiup qanoq annertutigisumik imaluunniit qanoq annikitsigisumik misissuiffiginissaanut pingaaruteqarpoq. Assersuutigalugu pisisartoq annertuumik aarlerinaatilitut suliffeqarfiup naliliiffigisimappagu pisisartup aningaasaatai sumit pisuunersut suliffeqarfiup sukumiinerusumik misissuiffiginissaannik kinguneqariaannaavoq. Tamanna aamma suliffeqarfiup pisisartup nuussineranik nakkutiginninnissaanut piunasaqaatinik sukumiinerusunik kinguneqartussaavoq.

Suliffeqarfik niueqatigisani tamani pisisartut ilisimasaqarfiginissaannut suleriaatsinik suliaqassaaq.

Pisisartunik ilisimasaqarnissamut suleriaatsimi aarlerinaatinullu nalilersuinerne pisisartup aarlerinaatinut ilisarnaataa niueqatigiinnerup aallartinnerani ilisimaneqartoq aalajangersaanermut atornerqarpoq. Aarlerinaatinut ilisarnaat pisisartumik attaveqarnerup ingerlanerani allangorsinnaavoq, taamaammallu suliffeqarfiup pisisartumik attaveqartarneq tamakkerlugu arlaannik akuttussusilerlugu pisisartunut ilisimasaqalernissamut suleriaatsinik ingerlaavartumik suliaqartarnissaat pillugu piunasaqaateqartoqarpoq.

Aarlerinaatinut nalilersuinerne pingaarnertigut makku nalilersuiffigisarnissaat ilaapput:

- 1) Aningaasanik peqquserluutiniq malunnarunnaarsaasarnermut aamma/imaluunniit peqqarniisaarnianik aningaasalersuinissamut ulorianaat.
- 2) Pisisartoq ilumut inuttut pisisartutut pissusilersornersoq.

Pisisartumut ilisimasaqalernissamut suleriaatsit sukumiinerusut

Aningaasanik peqquserluutininik malunnarunnaarsaasarneq pillugu inatsimmi § 15-imut innersuussineq

Aningaasanik peqquserluutininik malunnarunnaarsaasarneq pillugu inatsimmi §§ 17-20-mut innersuussineq

Pisisartumut ilisimasaqalernissamut suleriaatsit sukumiinerusut pisisartumut ilisimasaqalernissamut suleriaatsit nalinginnaasut saniatigut atorneqassapput. Tamannalu isumaqarpoq taakku niueqatigisaq aningaasanik peqquserluutininik malunnarunnaarsaasarneq aamma/imaluunniit peqqarniisaarniat aningaasalersornissaannut aarlerinaateqartutut aarlerinaateqarnerusutulluunniit nalilersimatillugu pisuni suleriaatsit nalinginnaasut atorneqassasut.

Pisuni sorlarni pisisartuninik ilisimasaqalernissamut suleriaatsit sukumiinerusut sunniuteqassanersut, taakkulu kingullertut sunik imaqqassanersut, pillugit allattorsimaffimmik tamakkiisumik tunniussisoqarsinnaanngilaq. Suliffeqarfiup aarlerinaatinut nammineerluni nalilersuini tunngavigalugu nalilersortussaavaa suut suliffeqarfiup niueqatigisami ilisimasamini toqqissisimanartuussasut, tamannalu aqqutigalugu aningaasanik peqquserluutininik malunnarunnaarsaasarneq aamma/imaluunniit peqqarniisaarnianut aningaasalersuisarneq aarlerinartorsiorneruneq killeqartissinnaanerlugu.

Tamanna immi isumaqanngilaq suliffeqarfiup pisisartuninik aningaasanik peqquserluutininik malunnarunnaarsaasarneq aamma/imaluunniit peqqarniisaarnianut aningaasalersuisarneq ulorianartorsiorneruneq naliligaannik niueqatigisassanik pilersitseqqusaassanngitsoq, suliffeqarfilli pisisartuninik ilisimasaqalernissamut suleriaatsinik sukumiinerusunik suliaqarnissamut pisussaaffeqarpoq. Suliffeqarfik aarlerinaatinut nalilersuisimaneq aallaavigalugu suliffeqarfiup pisisartuninik ilisimasaqalernissamut suleriaasiannik sukumiinerusumik nammineerluni piareersaassaaq.

Matumani suliffeqarfiup nammineerluni politikini suleriaatsinilu naapertorlugit ulorianaatit annerulersut niueqateqarnermi kinguneqartussat suliarisassagai pitsaaliuffigissagaalu anguniagaavoq.

Pisisartuninik ilisimasaqalernissamut suleriaatsini sukumiinerusuni assersuutigalugu suliffeqarfik:

- 1) Pisisartup sumi najugaqarneranut sumiluunniit inunngorsimaneranut paasissutissanik pissarsiniartussaavoq.
- 2) Pisisartoq aqqutiginaq paasissutissarsiffissat allat atorlugit paasissutissanik pissarsiniartussaavoq.
- 3) Pisisartoq pillugu paasissutissanik allanik pissarsiniartussaavoq, soorlu assersuutigalugu pisisartup siunertaa aamma niueqatigisap qanoq inissisimaneq pillugit paasissutissanik pissarsiniartussaavoq.
- 4) Pisisartup pigisaanut nalilinnut aningaasallu suminngaanneersuunerannut paasissutissanik pissarsiniartussaavoq.
- 5) Paasisaqarfinni arlaannaanulluunniit attuumassuteqanngitsuni tatiginartunilu pisisartumut paasissutissanik misissuissaaq.
- 6) Pisisartumut attaveqarnerup ingerlanerani pisisartumik ilisimasaqalernissamut suleriaatsit akulikinnerusumik suliarisassavai.
- 7) Pisisartup nuussineri ingerlaavartumik misissuiffigissavai.
- 8) Pisisartup niuernikkut sammisai pillugit paasissutissanik pissarsiniartassaaq.
- 9) Pisisartup piginnittui/piginnittui pillugit paasissutissanik allanik pissarsiniartassaaq.
- 10) Pisisartup siusinnerusukkut niuernikkut sammisai misissuiffigissavai.

- 11) Assersuutigalugu internetikut ujarlernikkut pisisartuq imaluunniit pisisartup piginnittuunut attaveqarnerit misissuiffigissavai.
- 12) Pisisartup najugaanut isumaqatigiissummik imaluunniit allagaammik allamik nassiussissaaq, tassani pisisartup atsioerlugu nassitutissagaa qinnuiviginissutigalugu (soorlu niueqateqarnermi attuumassutilinni inummut attaveqarnikkut isumaqatigiissutaanngitsuni).
- 13) Pisisartumut niueqateqarnerup pilersinnerani imaluunniit nanginnerani qullersatut aqutsisut akuersissuteqarnerat pissarsiariniassavaa.

Suliffeqarfiup pisisartumut attaveqarnerata aallartinneraniilli pisisartuq peqatigalugu matumani ulorianaat qaffasissuq pineqarnerisooq nalilersuiffigissavaat. Pisisartumut attaveqarnermut qaffasissummik aarlerinaatilimmut assersuutaasinnaavoq pisisartuq nunatsinni najugaanngitsoq imaluunniit suliffeqarfimmik ingerlatsinngitsoq (amerlanertigut nuna allamioq maani nunatsinni suliffimmik ingerlataqanngitsoq), kisiannili nunatsinni kontumik pilersitsinissamik kissaateqartoq.

Pisisartumulli ilisimasaqalernissamut suleriaatsip sukumiinerusup suliarisarnissaa suliffeqarfimmi pisisartup nakkutigineranut ilaatillugu pisisartumut attaveqarnerup ingerlanerani pisariaqalersinnaavoq. Taakkunani assersuutaasinnaapput:

- 1) Pisisartuq nuussisarnermi iliuutsinik allanngortitsisimappat, soorlu pisarnermit imaluunniit nunap ilaanut nuussinernik annertunerujussuarnik suliaqarnikkut pisisartup siusinnerusukkut attaveqarfisimanngisaanut atatillugu.
- 2) Pisisartuq ileqqorinngisamik iliuseqarsimappat imaluunniit pisisartup nuussinernik, nioqqutissanik aamma/imaluunniit sullissinernik atuinera pisisartup "nalinginnaasumik" pissusilersorneranit assingusunit malunnartumik pisariunerusimappat.
- 3) Ilumut pisisartup paasissutissiissutai ilumoortuunersut pillugit nalorninernik pilersoqarpat imaluunniit suliffeqarfik siunertamut pisisartup paasissutissiissutaanut naapertuutinnngitsumut uppersarneqarsinnaasumut ilisimasaqalersimappat.

Suliffeqarfiup siulianiittut imaluunniit pisut allat malillugit pisisartuq qaffasissummik aarlerinaateqartoq naliliiffigisimappagu suliffeqarfik pisisartumut ilisimasaqalernissamut suleriaatsimik aallartitsissaaq, apeqqutaanani pisisartuq siusinnerusukkut qaffasissummik aarlerinaateqartutut nalilerneqarsimannginnissaa.

Pisisartut nunami Europa-Kommisionenip allattorsimaffiutaani nunatut qaffasissummik aarlerinaatilittut nalilerneqarluni angerlarsimaffeqartut

Pisisartumut attaveqarnermut suliffeqarfiup aarlerinaatinut nalilersuina qanorluunniit isikkoqaraluarpat suliffeqarfik pisisartumut ilisimasaqalernissamut suleriaatsimik sukumiinerusumik suliaqassaaq, matumani pisisartuq nunami Europa Kommissionip allattorsimaffiutaani nunanut allanut qaffasissummik aarlerinaatilittut naliligaani angerlarsimaffeqarsimappat. Taamaammat suliffeqarfiup Europa Kommissionip allattorsimaffiannut ilisimasaqarnissani, pisisartutillu nunami allattorsimaffimmut ilaasumik imaluunniit ilaasussamik angerlarsimaffilimmik ilisimasaqalersimanerlutik ingerlaavartumik qulakkeertassavaat.

Pisisartuq nunami nunanut aarlerinaatilinnut Europa Kommissionip allattorsimaffiutaanut ilaasumut angerlarsimaffeqarsimappat pisisartumut ilisimasaqalernissamut suleriaatsimi sukumiinerusumi makku ilanngunneqassapput:

- Pisisartuq piginnittuillu pillugit paasissutissanik allanik pissarsiniartoqassaaq.
- Niueqatigisap siunertaralugu sulinissaa pillugu paasissutissanik pissarsiniartoqassaaq.

- Aningaasat suminngaanneernersut aamma pisisartup piginnittuillu pigisai nalillit pillugit paasissutissanik pissarsiniartoqassaaq.
- Nuussinernut kissaataasunut imaluunniit ingerlanneqartunut pissutaasut pillugit paasissutissanik pissarsiniartoqassaaq.
- Inummi § 7, imm. 2 (aningaasanik peqquserluutininik malunnarunnaarsaasarnermut akisussaasoq) naapertorlugu toqqarneqarsimasumi niueqatigiinnerit pilersinnerisa imaluunniit ingerlateqqinnerisa akuerineqarnerat pissarsiariniarneqassaaq.
- Misissuisarnerit amerlanerulernerisigut aamma nuussinerni aqqissuussarineqartut misissueqqinnissamik pisariaqartitsiviusut toqqarnerisigut niueqatigisat sukumiinerusumik nakkutiginnissaat.

Inuit politikikkut sunnerneqarsimasut

Tamatuma saniatigut pisisartuq inuusimappat politikikkut sunnerneqarsimasoq (IPS) pisisartumut ilisimasaqalernissamut suleriaatsit sukumiinerusut suliarineqassapput.

Inuk politikikkut sunnerneqarsimasoq pisortani suliffimmik tatigineqarfiusumik immikkut ittumik suliffeqartuuvoq, taamaammallu inuttut aningaasanik peqquserluutininik allatullu aningaasat peqquserluutit aqqutigalugit atornerlunneqariaannaalluni. Tamanna pissappat tamanna pinaveersaartissallugu inuiaqatigiit soqutigisaraat, tamannalu pissappat tamanna piffissaagallartillugu paasineqassasoq, tamatumalu kingorna eqqartuussivitsigut malersornissaa, inuiaqatigiit soqutigisaraat.

IPS kikkunerit pillugu malittarisassat pinaveersaartitsiffiupput, IPS-isillu inuttut pinerluutininik ilaasutut paasineqartariaqarnatik. Taamaattumillu IPS-iunera imaluunniit IPS-imik qanimut suleqateqartoqarnera kisiisa tunngavilersuutigalugit suliffeqarfiup pisisartumut attaveqalernissaa imaluunniit pisartumut attaveqarnerit pioreersut itigartissallugit tunngavissaqanngilaq.

Aningaasanik peqquserluutininik malunnarunnaarsaasarneq pillugu Inatsimmi IPS-it, taakkununga qanigisaasut imaluunniit qanimut suleqatigisat pisussaaffilerneqarput.

Taamaakkaluortoq IPS-it piareersimaffigisariaqarpaat nammineerlutik qanigisatillu qanimullu suleqatigisat aningaasaqarnertik imaluunniit nuussisimanertik pillugit nassuiaanissamik imaluunniit uppernarsaanissamik qinnuigineqarsinnaagamik.

Finanstilsynet IPS-it pillugit nunami namminermi massakkut allattorsimaffimmik namminneq nittartakkamminni peqarpoq. Pisisartup IPS-imut qanigisaasinnaanera imaluunniit qanimut suleqatigisinaanera aamma maluginiartartussaavarsi. Tamanna allattorsimaffimmi takuneqarsinnaanngilaq.

Suleqatigiiffiit, oqartussat suliffeqarfiillu Nunami namminermi IPS-it pillugit paasissutissat pissarsiarineqartarnerat tamanullu saqqummiunneqartarnerat pillugit nalunaarummut ilaasut Finanstilsynimut nalunaaruteqartarnissamik pisussaaffeqarput.

Pisisartumik ilisimasaqalernissamut suleriaatsit pisariinnerusut

Aningaasanik peqquserluutininik malunnarunnaarsaasarneq pillugu inatsimmi § 21
--

Suliffeqarfinnut aarlerinaatinut nalilersuineq aallaavigalugu niueqatigisanut aningaasanik peqquserluutininik

malunnarunnaarsaasarnermut peqqarniisaarnianillu aningaasalersuinissamut killeqartumik aarlerinaatilittut nalilerneqartunut tunngatillugu pisisartunut ilisimasaqalernissamut suleriaatsit pisariinnerusut suliffeqarfiup atorsinnaavai.

Pisisartumut ilisimasaqalernissamut suleriaatsit pisariinnerusut periarfissaapput, tamakkulu tigussaasumik nalilersuereernikkut suliffeqarfiup atorsinnaavai, piumasaqaataanani.

Piumasaqaatit oqilisat pisisartumut ilisimasaqalernissamut suleriaatsit pillugit malittarisassani mininneqarsimangillat, taamaammallu pisisartumut ilisimasaqalernissamut suleriaatsit atunnginnerunissaannut periarfissaqarpoq, kisiannili atorunnaarsivissallugit periarfissaanngilaq.

Pisartoq nuussinertuunniit killilimmik aarlerinaateqarnermik kinguneqassanersoq suliffeqarfiup aalajangersinnaavaa. Tamanna isumaqarpoq pisisartumut imaluunniit nuussinermut tunngatillugu aarlerinaatinik peqarnermoq suliffeqarfiup siullertut nalilersorluassagaa, taakku aqutugalugit suliffeqarfiup pisisartumut ilisimasaqalernissamut suleriaatsinik oqilisanik suliffeqarfiup suliaqarnissaa sioqqullugu killilimmik aarlerinaateqannginneranik uppersaasannaasunik.

Nalilersuineq pisisartup atugaanik nalilersuinermit kinaassusersiussanngilaq, soorlu:

- a) nioqutissamut tunniussamulluunniit pisisartup kissaataanut tunngatillugu
- b) pisisartumik niueqatigiinnerup siunertaa, annertussusaa, qanoq akuttutiginera sivissusaa.

Nalilersuinermit suliffeqarfiup pisussat aningaasanik peqquserluutinik malunnarunnaarsaasarneq pillugu peqqussummi ilanngussaq 2-mi ilanngunneqartut isiginiassavai.

Pisisartumut ilisimasaqalernissamut suleriaatsimi oqilisami assersuutissat tassaasinnaapput:

- 1) Pisartoq pillugu kinaassutsimut uppersaasissanik killilinnik suliffeqarfik pissarsiniartassasoq. Inatsimmi minnerpaaffiliinissamut piumasaqaat, tassa atermik inuullu normuanik assigisaannilluunniit pissarsiniartarneq, naammassineqartassasoq kinaassutsimut paasissutissani killeqartuni paasineqassaaq, kisianni assersuutigalugu kinaassutsimut uppersaasissanik allanik pissarsiniartoqarsinnaassanngitsoq. Paasissutissat pissarsiarineqartut misissorneqartuassapput.
- 2) Suliffeqarfik pisisartumut ilisimasaqalernissamut suleriaatsinik suliaqartassasoq, matumani pisisartup kinaassutsimut uppersaasissai pisisartunut allanut sanilliullugu qaqutigoornerusumik misissuiffigisarnissaat siunertaralugu, soorlu pisisartunut akunnattumik qaffasinnerusumillu aarlerinaatilinnut qaqutigoornerutillugu.
- 3) Suliffeqarfik niueqatigiinnermut atatillugu pisisartup siunertaa pillugu paasissutissanik pissarsiniartassanngitsoq, paasissutissat nioqutissat suuneranni immini tunniunneqareersimanagerat pissutaalluni aammalu nioqutissap suunera annertuumik aarlerinaateqannginnera pissutaalluni.
- 4) Suliffeqarfik pisisartumik killeqarnerusumik nakkutiginnittassasoq, assersuutigalugu suliffeqarfiup pisisartunut anginerusumik aarlerinaatilinnut nakkutiginninnerannut sanilliullugu. Taamaattoq pisisartumik niueqateqarnermik nakkutiginninnissaq malinneqassaaq.

Piginnittuiit

Aningaasanik peqquserluutunik malunnarunnaarsaasarneq pillugu inatsimmi § 3 a aamma § 11, imm. 3-mut innersuussineq.

Aningaasanik peqquserluutunik malunnarunnaarsaasarneq pillugu inatsimmi § 10, imm. 1, nr. 3-mut innersuussineq.

Piginnittuiit pillugit Erhvervsstyrelsenip ilitersuusiaanut innersuussineq: [Piginnittuiit pillugit Iilitersuut \(erhvervsstyrelsen.dk\)](http://Piginnittuiit_pillugit_Iilitersuut_(erhvervsstyrelsen.dk))

Piginnittuik suua?

Pisisartup piginnittuui tassaapput inuinnaq inuinnaalluunniit kingullertut pisisartumut piginnittuullutilluunniit nakkutigisallit imaluunniit inuinnaq inuinnaalluunniit sinnerlugit nuussinernik sulianilluunniit suliallit.

Piginnittuiit taamaallaat inuinnaasinnaapput, suliffeqarfiullu pisisartup piginnittuui aqqissuussaankullu aqqissuussaa tamakkerlugit misissuiffigissavai, kinalu kingullertut pisisartumik piginnittuunersoq imaluunniit nakkutiginnittuunersoq nassaaralugu.

Pisisartoq assersuutigalugu A-tut ingerlatseqatigiiffiusimappat, taannalu ingerlateqatigiiffimmiit allamiit B-mit 100 pct.-imik pigineqarsimappat, suliffeqarfiup inuinnaq inuinnaalluunniit kikkut ingerlatseqatigiiffimmik B-mik piginnittuunersut nakkutiginnittuunersullu paasiniassavai.

Pisisartup piginnittuui kikkunersut suliffeqarfiup paasissappagit suliffeqarfiup inuit kikkut aningaasaliissutit ilaannik naammattunik peqarnersut, taasisinnaatitaanersut imaluunniit suliffeqarfimmik allatut nakkutiginninersut nalilersuiffigissavai. Naammattumik ilaasoq suunersoq iluamik paasineqassappat aallaaviatigut inuk piginneqataassutit 25 pct.-it sinnerlugit piginneqataassutilik aamma/imaluunniit nakkutiginnittoq pineqartussaavoq. Taamaattorli procentinut killiliineq taamaallaat piginnittuunermut imaluunniit nakkutiginninnermut takussutissaasinnaammat erseqqissassallugu pingaaruteqarpoq.

Taamaattorli inuinnaanngitsunik pisisartumik piginnittunik aamma/imaluunniit nakkutiginnittunik piginnittuittut taaguummumut ilaanissamut naammattumik ilaasinnaanngitsunik nassaassaqarpoq. Taamaattoqarsimatillugu pisisartup ulluinnarni aqutsisui paarlattuanik piginnittut imaluunniit piginnittuittut isigineqassapput. Taamaattoqarsinnaavoq pisisartoq peqatigiiffiusimappat piginnittuinnit pigineqanngitsiq, tamatumalu kingorna ulluinnarni aqutsisut peqatigiiffiup piginnittuiatut isigineqartariaqalerlutik.

Piginnittuui kikkunersut misilillugu paasinaaffigineranni iliuusissat suliffeqarfiup aallartissimasai suliffeqarfiup suunersut misissuiffigissavai. Misissuineq suliffeqarfiup ulluinnarni aqutsisui pisisartup piginnittuiattut isigineqalernissaat sioqqullugu pissaaq.

Suliffeqarfiup paasissutissat suliffeqarfiup pissarsiarisimasai, pisisartullu piginnittuui paaserusullugit atorqarsimasut, toqqortassavai. Tamatumunnga assersuutaasinnaavoq suliffeqarfik "piginneqatigiit" pillugit takussutissamik aqqissuussisimappat, takussutissarlu suliffeqarfiup pisisartuanit pisisartup piginnittuui tikillugit takussutissaavoq imaluunniit suliffeqarfik assersuutigalugu Erhvervsstyrelsenip piginnittuunut nalunaarsuiffianit takussutissaliornikkut pisisartup piginnittuunut nakkutiginnittuinnullu aqqissuussamut misissuereersimappat.

Piginnittuik piginnittuilluunniit kikkunersut paasineqassappata suliffeqarfittut imaaliortoqassaaq:

Kinaassutsimut paasissutissanik pissarsiniartarneq

Piginnittup imaluunniit piginnittuiit kikkuuneri pillugit paasissutissanik suliffeqarfik tamatigut pissarsiniartassaaq (ingerlatseqatigiiffinnut børsimi nalunaarsorneqarsimasunut piginnittut minillugit).

Piginnittoq imaluunniit piginnittuiit kikkuuneri pillugit paasissutissanik pissarsiniartarnermut piumasaqaat assersuutigalugu pisisartuq inuusimappat inatsisinut tunngasoq, soorlu ingerlateqatigiiffik, aningaasaateqarfik, peqatigiiffik imaluunniit allatut inatsisitigut immikkoortoq, atuutsinneqassaaq.

Suliffeqarfik paasissutissanik pissarsiniassaaq, taamaaliornikkut suliffeqarfiup isumannaatsumik paasissammagu kikkut piginnittuiunersut. Tamanna suliffeqarfiup qanoq iliorluni paasissutissanillu sorlernik suliffeqarfik pisisartup piginnittuii pillugit pissarsiniassanersoq pillugu nalilersuilluerneruvoq, nalilersuinerli kinaassutsimut paasissutissat ilaannik pissarsiniaqqusaannginnermut aqputissiuussinngisaannassaaq.

Piginnittuinnut tunngatillugu inuk inuup normuanik peqarsimangippat suliffeqarfik aternik aallaaviatigullu inuup normuanik imaluunniit paasissutissanik assingusunik pissarsiniartassaaq.

Suliffeqarfiup paasissutissanik qanoq ittunik pissarsiniarsimanera apeqqutaatinnagu ulloq inunngorfik paasissutissanut pissarsiarineqartunut tamatigut ilaasariaqarpoq.

Pisut ilaanni piginnittumut imaluunniit piginnittuinnut inuup normuanik pissarsiniartarneq minissallugu periarfissaasinnaavoq. Tamannali aatsaat periarfissanngorsinnaavoq suliffeqarfik arlaatigut piginnittuiit pillugit taamatut isumannaatsigisumik kinaassutsimut paasinaasinnaasimappat, tassa suliffeqarfik inuup normua pillugu paasissutissiiffiqineqarsimappat.

Tamanna assersuutigalugu pisinnaavoq inuk pineqartoq tamanit ilisimaneqarsimappat. "Tamanit ilisimaneqartumik" oqarnermi nunami namminerme nunaniluunniit allani inuup tamanit nalinginnaasumik ilisimaneqarnera oqaatiginiarneqarpoq. Assersuutigalugu tassaasinnaapput borgmesterit, suliffeqarfinni nalinginnaasumik ilisimaneqartuni piginnittut, direktørit imaluunniit siulersuisuni siulittaasut, inuit inuussutissarsiummik ingerlatallit, naalakkersuisoqarfinni pisortat imaluunniit aqutsisoqarfinni pisortat.

Piginnittuik tamanit ilisimaneqartoq kinaassutsimigut paasineqarsinnaasariaqarpoq, kinaassuserlu taanna paasissutissarsifiusinnaasut aqputigalugit nakkutigineqarsinnaasariaqarpoq (soorlu nittartaq pisortat oqartussaasuineersoq assigisaannilluunniit pisoq aqputigalugu internet aqputigalugu).

Suliffeqarfik oqartussamut suliffeqarfiup aningaasanik peqquserluutinik malunnarunnaarsaasarneq pillugu inatsisip eqqortinnissaanut nakkutiginnittup tamatigut uppersarsinnaasariaqarvaa suliffeqarfiup piginnittuiit pillugit paasissutissat naammattumik suunersut paasisimassagai nakkutigalugillu.

Suliffeqarfik pisisartumut attaveqarnermi allannguutinik malunnartunik maluginiagaqalersimaguni suliffeqarfik isummissaaq piginnittuiit kikkuunerannut paasissutissanik nutaanik pissarsiniassanerluni. Allannguutini malunnarnerusuni suliffeqarfiup pisisartumut niuernikkut attaveqaatai ilaasinnaapput, soorlu suleqatigiinnerup annerusumik annertusarnissaa imaluunniit pisisartup suliffeqarfiutaani allanngornerit, soorlu nutaamik aqutsisoqalernerneq, niuernikkut attaveqaatit nutaat imaluunniit piginnittuiit nutaat. Piginnittuik politikikkut soqutigisalittut inissisimasooq suliffeqarfiup paasippagu suliffeqarfiup nalilersussavaa tamanna pisisartup aarlerinaatinut nalilersuiffigineranut sunniuteqassanersoq, soorlu suliffeqarfik tassunga atatillugu pisisartuq piginnittuillu pillugit paasissutissanik allanik pissarsiniassanersoq. Pisisartumut aarlerinaatit annertusiartorfiusutut suliffeqarfiup naliliiffigippagu suliffeqarfiup tamatigut nalilersuiffigisassavaa suliffeqarfiup piginnittuinnut paasissutissaatai naammassanersut imaluunniit uppersaatsissanik allanik pissarsiniartoqassanersoq.

Piginnittuiit kinaassusaannut paasissutissat misissuiffiginerat

Kinaassutsimut paasissutissat pissarsiarineqartut misissuiffiginissaanni pisisartumut pineqartumut tunngatillugu iliuuserineqartussat naammattut suunersut aallaavigalugit aarlerinaatinut nalilersuisoqassaaq.

Piginnittuimmut kinaassutsimut paasissutissat misissuiffiginnaaniarlugit "iliuusissanik naammattunik" suliaqartoqartarnissaa isumaqarpoq suliffeqarfik assersuutigalugu aarlerinaatinut nalilersuisimaneq aallaavigalugu piginnittuiit pillugit paasissutissanik naammattumik atuinisaaq isumaqarfigigitsik, tassalu paasissutissat pisisartumut tunniunneqartut, tamakkulu paasissutissanut Erhvervsstyrelsenip it-mut atortuani pissarsiarineqartunut assersuullugit.

Piginnittuunerup nakkutilliinerullu aaqqissuussaanik misissuineq

Pisisartoq inuusimappat inatsisitigut pisussaaffilik, soorlu peqatigiiffik, suliffeqarfiup tamatigut misissortassavaa inuup inatsisitigut pisussaaffillip piginnittuunerup nakkutiginninnermullu pisussaaffigisaa. Tamanna aamma inunnu inatsisitigut pisussaaffeqanngitsunut atuuppoq, soorlu pisisartoq takornariaasimappat imaluunniit assingusumik inatsisit tungaatigut aaqqissuussaqarsimappat. Piginnittuunerup nakkutiginninnermullu aaqqissuussarineqartumi paasineqassaaq suliffeqarfiup assersuutigalugu pisisartup piginnittui, aqutsisui, isumaqatigiissummut malittarisassat, piginnittuunerup isumaqatigiissutit, aningaasat tiguinnariaat assigisaallu pillugit paasissutissanik pissarsiniarsinnaanera. Pisisartup piginnittuisa nakkutiginninnermullu aaqqissuussap misissuiffiginissaat anguniassallugu paasissutissat suut soqutiginaateqassanersut suliffeqarfiup nammineerluni nalilersussavaa.

Suliffeqarfiup aarlerinaatinut nalilersuineq aallaavigalugu aalajangersinnaavaa misissuinerit suut piginnittuunerup nakkutiginninnermullu aaqqissuussap misissuiffiginissaanut aallartinneqassanersut.

Killeqartumik aarlerinaateqartoqartillugu suliffeqarfiup diagramimik suliaqarnermigut aaqqissuussamik misissuititsinissaa naammassinnaavoq, tassanilu piginneqataassutsit imaluunniit paasissutissat CVR-imi atorineqartut takutinneqarput.

Annermik aarlerinaateqartoqarsimatillugu suliffeqarfiup ileqqoreqqusat assigisaalluunniit aqutigalugit uppernarsaatissanik pissarsiniarnissaa pisariaqalersinnaavoq.

Taamaattorli suliffeqarfik inunni inatsisitigut pisussaaffilinni niueqatigiinnerni tamani piginnittuunerup nakkutiginninnermullu aaqqissuussamik qulaajaasariaqarpoq, tamatumali kingorna suliffeqarfik nammineerluni iliuusissat annertussusissat nammineerluni aalajangersaaffigissavai, suliffeqarfimmullu aarlerinaatinut nalilersuisimanerit niueqatigiinnerlu aallaavigalugu misissuiffigalugit.

Piginnittuiit pillugit nalunaaruteqartarneq

Suliffeqarfiit aningaasanik peqquserluutinik malunnarunnaarsaasarneq pillugu inatsimmut ilaasut piginnittuiit pillugit paasissutissanut nalunaarsorneqartunut tunngatillugu naapertuutinninnerit Erhvervsstyrelsenimut nalunaarutigissavai.

Misissuinissamut allattuinnissamullu pisussaaffeqarneq

Aningaasanik peqquserluutininik malunnarunnaarsaasarneq pillugu inatsimmi § 6-imut innersuussineq

Aningaasanik peqquserluutininik malunnarunnaarsaasarneq pillugu inatsimmi § 25-mut innersuussineq

Misissuisussaataitaneq

Suliffeqarfiit aningaasanik peqquserluutininik malunnarunnaarsaasarneq pillugu inatsimmi malittarisassanut ilaasut nuussinerni, nuusseriaatsini sulianilu, tamakku aningaasanik peqquserluutininik malunnarunnaarsaasarneq imaluunniit peqqarniisaarnianut aningaasalersuisarneq atassut atassuteqarsimasutullu pasitsaanneqartoqarsimatillugit imaluunniit ilimanartoqarsimatillugu, tunuliaqutaasunut siunertarineqartunullu misissuinissamik pisussaaffeqarput.

Nuussinerit imaluunniit suliarineqartut aningaasanik peqquserluutininik malunnarunnaarsaasarneq imaluunniit peqqarniisaarnianik aningaasalersuisarneq atassuteqarnersut atassuteqarsimanersulluunniit pasitsaanneqarsinnaanersut imaluunniit ilimagissallugit tunngavissaqarnersooq paasineqarnissaat misissuinermit siunertarineqarpoq. Tamanna isumaqarpoq suliffeqarfik suleriaatsinik atortunillu piareersimatitsissasooq, tamakkulu aqutugalugit nuussinerit suliallu taamaattut suunersut paasissallugit periarfissaavoq.

Suliffeqarfik pisisartumi sulianik pissusissamisunngitsunik maluginiagaqalersimaguni, soorlu nuussinerni pisisartup ileqqoralugu nuusseriaasianik malinninngitsuni imaluunniit pisisartumut tunngatillugu pissusissamisunngitsunik annertuumik nuussisoqarsimatillugu, suliamut tunuliaqutaasumik misissuissaaq. Tamanna immikkut misissussallugu pingaaruteqarpoq, matumani aningaasaqarnikkut imaluunniit inatsisinik unioqutitsinani suna pillugu pisisartoq taamatut nuusseriaaseqarnera tunngavilersorneqarsinnaanngippat.

Suliffeqarfik suliaq nuussinerluunniit aningaasanik peqquserluutininik malunnarunnaarsaasarneq imaluunniit peqqarniisaarniat aningaasalersornissaannut atasunik imaluunniit atassuteqarsimasunik pasitsaassaqaarsimaguni imaluunniit ilimanartoqarneranut naammattumik isumaqalersimaguni pasitsaassaqaarneq atorunnaarsinniarlugu pisisartumik suliffeqarfiup nakkutiginninnini misissussallugu annertusissallugulu pisussaaffeqarpoq.

Suliffeqarfiup misissuinerata inernerit allassallugit eqqaamassavat. Allattugaatini pisisartoq suliarineqartorlu kiisalu inerniliineq suliffeqarfiup qanoq iliorniarnernut oquluttuortoq pillugit paasissutissat takuneqarsinnaassapput. Allattugaatit toqqortarineqarnerat takuniarukkit tullinnguuttuniittut takukkit.

Aningaasanik peqquserluutininik malunnarunnaarsaasarneq pillugu peqqussummi § 25-mi atuarneqarsinnaavoq "nuussinerit immikkuullarissut qaqutigoorluinnartullu kiisalu pissusissamisunngitsunik nuusseriaatsit suliallu ersarissumik aningaasaqarnikkut imaluunniit inatsisitigut uppernarsarneqarsinnaasumik siunertaqanngitsut tamakkerlugit misissuiffigineqartassasut.

Piumasarineqartoq: "immikkuullaripput"

Nuussineq immikkuullarissuunersooq pillugu suliffeqarfiup nalilersuinermini assersuutigalugu pingaartissavaa nuussinermit peqataasut arlallit peqataatinneqassanersut imaluunniit nuussinermit pisisartoq inummiit allamiit akiliutissamik tunineqarnissamik periarfissaqarnersooq.

Piumasarineqartoq: "immikkuullarissumik angissuseqarput"

Assersuutigalugu pisisartumut pineqartumut ilisimasaqarneq aallaavigalugu nuussineq immikkuullarinnersoq suliffeqarfiup nalilersorsinnaavaa, taakkunungalugu pisisartup nuusseriaasii nioqqutissanullu aningaasaleeriaatsit ilanngullugit.

Piumasarineqartoq: "pissusissamisuunnigitsumik ingerlatseriaaseqarpoq"

Nuussineq pissusissamisuunnigitsumik ingerlanneqartarnersoq pillugu nalilersuiniarnermi pisisartup pisisartullu pisarneq malillugu pissusilersoriaasii suliffeqarfiup aallaavigisinnaavai. Tamatumani ilaatigut pisisartup pisarneq malillugu nuussisarnerata annertussusaa aamma aningaasat tiguneqartut qanoq amerlatiginersut pingartinneqassapput.

Piumasarineqartoq: "aningaasaqarnikkut inatsisitigullu siunertaqarunangilaq"

Nuussineq imaluunniit suliaqarneq ersarissumik aningaasaqarnikkut inatsisitigulluunniit siunertaqarsimanngippata suliffeqarfik tamatumunnga tunuliaqutaasunik misissuissaaq. Suliffeqarfiup assersuutigalugu pisisartuq kimit pisarneq malillugu aningaasanik pissarsisarnersoq, pisisartuq kina pisisartup nuusseriaasianut nuussisarnersoq pingaartissavai. Pisisartuq aningaasanik ingerlatitseqqissimappat imaluunniit pissarsisimappat, matumanilu aningaasat sumut atorneqarnissaat iluamik paasineqarsinnaatinnagu, tamanna aningaasat sumunnegassanersut imaluunniit suminngaanneersuunerat paasiniarlugu misissuinissamik kinguneqariaannaapput.

Matumani pisisartuq nalinginnaasumik sulititsisuminit aningaasanik pissarsisartuq, kisiannili tassanngaannartumik inummiit allamiit ilisimaneqanngitsumiit aningaasanik pissarsisoq, matumanilu akissarsiat imaluunniit aningaasat assingusut pineqarnerisut iluamik paasineqarsinnaanatik, assersuutaasinnaavoq.

Nalunaaruteqarnissamut pisussaaffimmu atassuteqartoqarnera

Suliffeqarfiup misissuinera pisisartup nuussinernut imaluunniit suliamut pisuujumanginneranik aallaaviussappat pasitsaassineq uppersarsineqarsimanaviangilaq. Paarlattuanik tamanna pasitsaassinermut tunngavilersuutaasinnaavoq, tamannalu aqutugalugu suliffeqarfik Hvidvaskesekretariatimut nalunaartariaqarpoq.

Pisut ilaanni nuussinertit imaluunniit suliarineqartut pasitsannartoqarnerisut aalajangiiffiginarlugit pisisartumik nakkutiginnineq annertusissallugu pisariaqalersinnaavoq.

Allattuisarnissamut pisussaaffik

Aningaanik peqquserluutinik malunnarunnaarsaasarneq pillugu inatsimmi §§ 6, imm. 2 aamma 19-imut innersuussineq

Aningaanik peqquserluutinik malunnarunnaarsaasarneq pillugu inatsimmi § 25, imm. 2-mut innersuussineq

Niueqatigisamut imaluunniit nuussinernut immikkuullarissunut kiisalu paasissutissaasinnaasunut pisisartumit tiguneqartunut atatillugu misissuinerni inerniliussat suliffeqarfiup allattorlugillu toqqortissavai.

Paasissutissani allanneqartuni assersuutaasinnaapput:

- Nuussinermi sulianiluunniit siunertat pillugit pisisartup nassuiaanera.
- Pisisartup nassuiaaneranut uppersarsaasiisarneq.

- Suliffeqarfimmi sulisut allat nassuiaanerat, soorlu pisisartumut akisussaasoq.

Allattuisarnissamut pisussaaffik misissuisimaneq nalunaarnissamik kinguneqarsimappat misissuinerlu paarlattuanik pasitsaassinermik atorunnaarsitsissappat atuutsinneqassaaq.

Nalunaartarnissamut pisussaaffik

Aningaasanik peqquserluutinik malunnarunnaarsaasarneq pillugu inatsimmi § 7-mut innersuussineq

Aningaasanik peqquserluutinik malunnarunnaarsaasarneq pillugu inatsimmi § 26-mut innersuussineq

Suliffeqarfiup pisisartuq, nuussineq, aningaasat suliarluunniit aningaasanik peqquserluutinik malunnarunnaarsaasarnermut imaluunniit peqqarniisaarniat aningaasalersornissaannut atassuteqartut pasitsaassimappagit tamanna Hvidvasksekretariatimut ingerlaannaq nalunaarutigissavaa. Nalunaarneq uunga pissaaq: [GoAML Home \(politi.dk\)](http://GoAML.Home(politi.dk)).

Tamanna aamma pisisartuq pasinartuliorluni suliffeqarfimmut saaffiginnissimappat arlaatigullu ikioqqulluni atuutissaaq.

Suliffeqarfik nalornisimaguni tamatigut nalunaartariaqarpoq. Nalunaartoqareernerata kingorna suliaq sukumiinerusumik misissuiffigineqassanersoq Hvidvasksekretariatip nalilersuiffigissavaa. Suliffeqarfik pinerluutinut inatsisitigut nalilersuilluni suliaqalissasoq aalajangersakkami siunertarinqanngilaq, akerlianilli suliffeqarfik pisisartumut attaveqarnermut nalinginnaasumut tunngatillugu pissutsinik pissusissamisunngitsunik peqartoqarnersoq misissuissaaq.

Nalunaaruteqarneq politiinnut nalunaaruteqartarnermut assingunngilaq. Tamanna aamma isumaqarpoq nalunaaruteqartarnissamut pisussaaffik sulianik politiinnut nalunaaruteqarnikkut naammassineqarsimassanngitsoq.

Nalunaaruteqartarnissamut pisussaaffimmi minitaqartarneq

Aningaasanik peqquserluutinik malunnarunnaarsaasarneq pillugu inatsimmi § 27-mut innersuussineq

Suliffeqarfiit ilaat nalunaaruteqartarnissamut pisussaaffimmi mininneqarsimapput.

Tassani eqqartuussissuserisut eqqartuussut sioqqullugu, eqqartuussutip nalaani kingornagullu sullitap inatsisitigut inissisimaneranut aalajangiinerat imaluunniit sullitanik siunnersuisarnerat ilaapput.

Aamma kukkunersiuisartut suliffeqarfiillu kukkunersiuisarnermik suliallit kukkunersiuisarneq pillugu inatsimmi nalunaartarnermut pisussaaffimmut ilaatinneqanngillat.

Suliffeqarfiit inuillu inuussutissarsiutit tungaatigut inuit nr. 14-15-imi taaneqartut assigalugit tunniussaqqartartut, soorlu kukkunersiuisut kukkunersiuisarneq pillugu inatsit naapertorlugu akuerineqarsimannngitsut, akileraartarnermut siunnersortit naatsorsuuserisullu avataaneersut nalunaartarnermut pisussaaffimmut aamma ilaatinneqanngillat.

Nuussinernik suliaqarusunnginnermut suliffeqarfiit pisussaaffeqarnerat

Aningaasanik peqquserluutininik malunnarunnaarsaasarneq pillugu inatsimmi § 12, imm. 2-mut innersuussineq

Aningaasanik peqquserluutininik malunnarunnaarsaasarneq pillugu peqqussummi § 26, imm. 3-mut innersuussineq

Aningaasanik peqquserluutininik malunnarunnaarsaasarneq pillugu pasitsaassaqaarnermi

Nalunaaruteqartoqarnissaa tikillugu suliffeqarfik nuussissanngilaq, matumani nuussinerep sulialluunniit aningaasanik peqquserluutininik malunnarunnaarsaasarnermut atassuteqartut suliffeqarfik ilisimasaqarsimappat, pasitsaassaqaarsimappat imaluunniit taamut isumaqassalluni tunngavissaqaarsimappat. Suliffeqarfiup pasitsaassaqaarnera sioqqullugu nuussineq ingerlanneqaarsimappat tamanna atuutissanngilaq.

Peqqarniisaarniat aningaasalersornerat pillugu pasitsaassaqaarnermi

Suliffeqarfik nuussineq peqqarniisaarnianik aningaasalersuinissamut tunngassuteqartoq pillugu ilisimasaqarsimaguni, pasitsaassaqaarsimaguni imaluunniit taamatut isumaqarnissaminut tunngavissaqaarsimaguni suliffeqarfik nuussissanngilaq suliffeqarfik Hvidvasksekretariatimit akuersisummik pissarsisimanissaa tikillugu.

Nalunaaruteqartarnermut aaqqissuussanut piumasqaat

Hvidvasksekretariatimut nalunaaruteqartarneq digitalikkut pissaq.

Uppernarsaasarnissaq toqqortaqaartarnissarlu

Aningaasanik peqquserluutininik malunnarunnaarsaasarneq pillugu inatsimmi § 19-imut innersuussineq

Aningaasanik peqquserluutininik malunnarunnaarsaasarneq pillugu inatsimmi § 30-mut innersuussineq

Suliffeqarfiup pisisartumik suleqateqarnera unippat suliffeqarfiup paasissutissat pingaarutillit tamakkerlugit ukiuni tallimani toqqortarissavai.

Aningaasanik peqquserluutininik malunnarunnaarsaasarneq pillugu peqqussut naapertorlugu suliffeqarfiup kinaassutsimut uppernarsaatissat paasissutissallu pisisartumik ilisimasaqarnermut suleriaatsimut atatillugu pissarsiarineqaarsimasut tamakkerlugit ukiuni tallimani toqqortarissavai. Taakkununga kinaassutsimut nakkutilliinermullu paasissutissanut uppernarsaatissat aamma kinaassutsimut allagaatit takutinneqartut assilineri ilaatinneqarput.

Suliffeqarfik aningaasanik peqquserluutininik malunnarunnaarsaasarneq imaluunniit peqqarniisaarnianik aningaasalersuisarneq pillugit pasitsaassaqaarnerup malitsigisaanik pisisartumik misissuisimappat misissuineri inernilunneqartut ukiuni tallimani toqqortarineqassapput.

Whistleblowereqarnermik aaqqissuussineq

Aningaasanik peqquserluutininik malunnarunnaarsaasarneq pillugu peqqussummi § 35-mut innersuussineq

Suliffeqarfik aaqqissuussinermik peqassaaq, tassani suliffeqarfiup sulisui pissarsiffissaq immikkut ittoq, arlaannaanulluunniit attuumassuteqanngitsoq nammineertorlu aqcutigalugu aningaasanik peqquserluutinik malunnarunnaarsaasarneq pillugu inatsimmut unioqqutitsinerit imaluunniit unioqqutitseriaannaanerit suliffeqarfiup suliarisimasai pillugit nalunaaruteqarsinnaalluni, taakkunungalugu suliffeqarfimmi sulisut imaluunniit siulersuisuni ilaasortat ilaapput. Aaqqissuussinermut nalunaaruteqarnerit kinaassutsimik isertuussilluni pisinnaasariaqarput. Tamatuma saniatigut suliffeqarfik aaqqissuussinermut nalunaarnernut malitseqartitsisassaaq, tamatumalu qanoq pisimaneranut allakkatigut uppernaarsinnaasariaqarluni.

Suliffeqarfiup pissarsiffissamik immikkut ittumik peqartussaanerata kingunerissavaa pissarsiffissaq sulisut aaqqissuussinermut aningaasanik peqquserluutinik malunnarunnaarsaasarnernut inatsimmik unioqqutitsinernut imaluunniit unioqqutitseriaannarnut nalunaaruteqarsinnaanerit siunertaralugu pilersinneqarsimassasoq.

Pissarsiffissap arlaannaanulluunniit attuumassuteqannginnissaata nammineertuunissaatalu kingunerissavaa ingerlatsiffissamik nammineertumik pilersitsisoqarnissaa, taannalu ulluinnarni aqutsisunut attuumassuteqassanngilaq aamma nalunaaruteqarneq suleriaatsit nalinginnaasut avaqqullugit pisassaaq, soorlu immikkoortortamut sulisumulluunniit nalunaarnernik suliaqartumut toqqaannartumik.

Whistleblowereqarnermik aaqqissuussinermut ilaasanninneq

Suliffeqarfinnut sulisut tallimat sinnerlugit sulisoqanngitsunut whistleblowererqarnermut aaqqissuussinermik peqarnissaaq aningaasanik peqquserluutinik malunnarunnaarsaasarneq pillugu inatsimmi pisussaaffiunngilaq.

Taamaattorli suliffeqarfiit taamatut pisoqarsimatillugu maluginiartartussaavaat sulisut arfinilissaanik atorfinitsiniariarlutik piunasaqaammut ilaalersussaanertik.

Nakkutillineq

Aningaasanik peqquserluutinik malunnarunnaarsaasarneq pillugu inatsimmi § 27-mut innersuussineq

Aningaasanik peqquserluutinik malunnarunnaarsaasarneq pillugu inatsimmi § 30-mut innersuussineq

Aningaasanik peqquserluutinik malunnarunnaarsaasarneq pillugu inatsimmut tunngatillugu akileraartarnernut ingerlatsivik inatsisip eqqortinnissaa pillugu nakkutiginnittussavaoq.

Finanstilsynet taannaavoq aningaasanik peqquserluutinik malunnarunnaarsaasarneq pillugu peqqussummik eqqortitsisoqarneranut nakkutiginnittussaaq, pisariaqarfatiagullu erhvervsstyrelsen taannaavoq aningaasanik peqquserluutinik malunnarunnaarsaasarneq pillugu peqqusutip eqqortinneqarnissaanik nakkutiginnittussaaq.

Sukumiinerusunik paasisaqarusuppisi?

Sukumiinerusunik allanik paasisaqarusukkussi Finanstilsynip aningaasanik peqquserluutinik malunnarunnaarsaasarnernut ilitsersuutaa, Aningaasanut peqquserluutinut malunnarunnaarsaasarnernut aamma peqqarniisaarniat aningaasalersortarnerannut iliuusissat pinaveersaartitsiffiusut pillugit inatsit pillugu Ilitsersuut innersuussutigineqarput. https://www.finanstilsynet.dk/-/media/Tilsyn/hvidvask/seminar/Hvidvaskvejledning_November_2020.pdf

Aningaasanik peqquserluutinik malunnarunnaarsaasarnermut malittarisassat allat finanstilsynip nittartagaani nassaassaapput: [Aningaasanik peqquserluutinik malunnarunnaarsaasarnermut malittarisassat \(finanstilsynet.dk\)](http://finanstilsynet.dk).

Piginnittuiit pillugit Erhvervsstyrelsen ilitsersuuta: [Piginnittuiit pillugit Ilitsersuut \(erhvervsstyrelsen.dk\)](http://erhvervsstyrelsen.dk).